

ZAPISNIK SA 36. SJEDNICE UO SAMOSTALNOG SINDIKATA RADNIKA U BHRT-u, KOJA JE ODRŽANA U UTORAK 28.11.2017.GODINE

Prisutni: D. Smital; E. Čengić; Dž. Kahrica; N. Žuga; G. Brkić; N. Hodžić; M. Grbo; M. Baručija; E. Fočo; N. Arnautović; M. K. Pašalić;

Odsutni: O. Bukić; D. Miljević; B. Hamzagić - **opravdano**
S. Topalić; N. Čordalija - **neopravdano**

Dnevni red:

1. Zapisnik sa 35. sjednice
2. Aktuelna situacija u BHRT-u
3. Finansije (V. Čosović)
4. Izvještaj i specifikacija BSO za oktobar 2017 (N. Žuga)
5. Dodjela pomoći (N. Žuga, G. Brkić, M. Grbo)
6. Razno

AD 1. D. Smital je u 12.42 sati na osnovu člana 35. Statuta Samostalnog sindikata radnika u BHRT-u, otvorio 36. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 35. Sjednice je također jednoglasno usvojen.

AD 2. D. Smital je izvjestio UO Sindikata da je u proteklom period održano 5 sastanaka sa generalnim direktorom po podružnicama u skladu sa zaključkom posljednje sjednice . Prvi sastanak održan je u BL Podružnice IT Centara 20.11.2017.godine. Istaknut je problem dugovanja entitetskih javnih servisa prema BHRT-u i nepostojanje sistemskog rješenja stabilnog finansiranja koji je u nadležnosti Parlamentarne skupštine BiH.

Razgovarano je o reorganizaciji i sistematizaciji, kao i o značaju funkcionisanja informativno tehničkih centara BHRT-a i katastrofalnim uslovima u kojima funkcionišu.

Članovi podružnice ITC su imali veliki broj pitanja za generalnog direktora na koja su uglavnom dobili odgovore. Obzirom da su određena pitanja bila tehničke naravi, generalni direktor je predložio da se u Sarajevu održi sastanak sa šefovima svih IT Centara, kojem bi prisustvovala i pomoćnica za razvoj Dženita Jusufbegović.

Troškovi puta organizacije sastanka u ITC BL su bili 514,72 KM. Odluka o realizaciji putnih troškova je jednoglasno usvojena.

Prije samog početka sjednice UO je održan sastanak u Sarajevu koji je dogovoren u BL, kako bi se pokušao riješiti dio problema s kojim se ljudi u IT Centrima susreću.

D. Smital je također izvjestio da su u utorak 21.11.2017. godine održana dva sastanka Podružnice RTV Produkcije. Na sastancima je prisustvovalo oko 50 ljudi, što čini trećinu članstva. D. Smital je iznio da je generalno zadovoljan odzivom, obzirom da veći dio članova radi u smjenama i po dispoziciji, ali da je razočaran što sastanku nije prisustvovao niko od snimatelja niti iz tehničkih resursa radija gdje imamo značajan broj članova.

U uvodnom obraćanju, generalni direktor BHRT-a je predočio mjere koje menadžment preduzima s ciljem prevazilaženja teške finansijske situacije i rješavanja dugova prema radnicima. U drugom dijelu sastanaka, Karamehmedović je odgovorio na veliki broj pitanja članova Sindikata koja su se prevashodno ticala predstojeće reorganizacije i sistematizacije.

Dž. Kahrica je upoznao UO da je Podružnica Upravljanje imovinom i investicije dana 23.11.2017 godine održala sastanak svojih članova sa generalnim direktorom. Odziv je bio više od 70% članstva ukoliko se izuzme odjel transporta iz kojeg su prisustvovala svega 2 člana.

Dž. Kahrica je istakao da je generalni direktor prisutne upoznao sa dosadašnjim, kao i planiranim aktivnostima menadžmenta u cilju rješavanja teške finansijske situacije i opstanka BHRT-a, radu na reorganizaciji BHRT-a, te isplati zaostalih i tekućih primanja i obaveza prema radnicima. Članovi ove podružnice informisani su također da će u novoj reorganizaciji koja se sprema biti puno manji broj rukovodilaca nego što je sada.

Jedan od problema ove podružnice s kojim je upoznat generalni direktor je i da se uposlenicima sa najmanjom platom ne obračunava minuli rad. Generalni direktor je tražio da mu se pošalje dopis rukovodioca te službe sa obrazloženjem, a preko reprezentativnog sindikata, kako bi se riješio ovaj problem, ako ne odmah, a onda da se povede računa o ovom problem u predstojećoj reorganizaciji. Dž. Kahrica je informisao UO da je dobio dopis od rukovodioca službe, nakon čega je odmah sazvao, a neposredno prije sjednice UO i održao sastanak Povjereništva sindikalne podružnice Upravljanje imovinom i investicije na kojem je jednoglasno data saglasnost za ovaj dopis.

Dž.Kahrica je nakon toga zatražio stav odnosno podršku UO sindikata za ovaj dopis, odnosno stav sindikalne podružnice kako bi se pokušao riješiti ovaj problem.
UO Sindikata je jednoglasno donio zaključak da podržava zahtjev Povjereništva sindikalne podružnice Upravljanje imovinom i investicije.

Također, D.Smital je dodao da je na jednom od sastanaka podružnice RTV Produkcija upoznao direktora o stavu Sindikata, koji je definisala Skupština SSR u BHRT-u da bi u budućoj sistematizaciji osnovica trebala da bude minimalna plata, a omjer plata 1:5.

N.Žuga je izvjestio da je Podružnica PEP-a 27.11.2017. godine održala sastanak svojih članova sa temom Aktuelna situacija u BHRT-u. Prisustvovalo je 27 članova zbog same činjenice da je ova podružnica terenska. Pitanja su bila uopšte slična i ista kao kod drugih podružnica. Istaknut je problem nedostatka satelitskih antena koje podržavaju prijem HD signala a koje su neophodne na terminalu. Podružnica PEP-a je napravila i prosljedila prijedlog direktoru sektora sa mogućim rješenjima za ovaj problem.

HTZ oprema je jedan od najvećih problema ove podružnice i na ovom sastanku je na prijedlog generalnog direktora, dogovoreno da Podružnica PEP preko sindikata napravi prijedlog najneophodnije opreme koja bi se mogla nabaviti.

D.Smital je predložio zaključak da Podružnica PEP dostavi sindikatu spisak najneophodnije opreme i da ukoliko se organizuje sastanak sa menadžmentom na temu nabavka HTZ opreme, obavezno prisustvuju predstavnici PEP-a u sindikatu.

UO je jednoglasno usvojio zaključak.

D. Smital je dodao da je na svim sastancima sa članovima sindikata, generalni direktor obećao da će menadžment pokušati isplatiti sve zaostatke prema radnicima, u neto iznosu, do kraja godine. Također je dodao da će se sastanak članova Podružnica BHT, BHR i MP, sa generalnim direktorom održati, nakon sjednice UO u 14 sati u salonu na I spratu.

AD 3. Izvještaj o finansijskom poslovanju sindikata za mjesec oktobar 2017. godine je primljen k znanju.

AD 4. Izvještaj i specifikacija BSO za oktobar 2017 je primljen k znanju.

AD 5. Komisija za dodjelu finansijske pomoći (N.Žuga, G.Brkić, M.Grbo) predložila je da novčanu pomoć dobije J.Vučak 100KM. UO je na prijedlog komisije za dodjelu finansijske pomoći jednoglasno usvojio Odluku za pomoć, za mjesec novembar 2017.godine u iznosu od 100KM.

AD 6. E.Čengić je izvjestio UO Sindikata da je na osnovu zaključka UO Sindikata za postavljanje dva rutera na prizemlju i drugom spratu, provjerio cijenu koja iznosi cca 250KM za dva rutera i da je dobio usmenu saglasnost Dž.Jusufbegović uz obaveznu pismeno obrazloženje sindikata. Zaključeno je da se provjeri sa Odjelom IT-a na koji način se mogu postaviti isti kako bi početkom 2018.godine mogli realizovati ovu inicijativu.

Sjednica je završena u 13:33. sati

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital